



www.BibleForChildren.org


Genesis 1



Ana etangilana, God
saunga'inia 'afutana
na magalia ma na
mamanga.



Na magalia nia fioro'a, ma
na kafo doe ka fungu fafia,
ma ma'e rodo ka buta fafia.
Ma na Mangona God tua
ma ka 'asua fafona
na kafo ne'eri.



Ma God ka fata 'uri, “Madakola'anga ke dao na'a ma'i.”

'Una'eri go'o na madakola'anga ka fuli na'a di'ia nama ne'e nia saea. Ma nia ka fa'asata na madakola'anga ne'eri 'ani na Asoa, ma nia ka saea na ma'erodo ne'eri 'ani na Rodo. Ma na asoa ne'eri ka sui na'a. Ma na asoa ne'eri na'a ne'e na etana asoa ana na magalia.




Ma God ka fata la'u 'uri, “Alua ta kula ke teo 'i safitana na kafo ne'eri 'iri ke daro'ia na kafo ka teo 'i lifua ma na kafo ka teo 'i olofa.” Ma na kula ne'eri ka ra'e ma'i di'ia God nia oga. Na kula ne'eri nia fulia ma kafo ka daro'ia ta kafo ka teo 'i lifua ma ta kula ka teo 'i olofa. Ma nia ka fa'asata kula ne'eri 'ani na mamanga. Ma na asoa ne'eri ka sui, na ruana asoa ana magalia.



Ma God ka fata la'u 'uri, “Kafo lo'oko teo 'i olofana mamanga, muke fiku ta'ifau fasi 'iri kula langa langa ke ra'e ma'i,” ma na ru ne'eri ka fuli di'ia nama ba nia saea. Ma nia ka saea na kula langa langa ne'eri 'ania Ano, ma nia ka saea na kafo ne'eri 'ania na Asi. Ma God ka lisia na rao'a nia ma nia ka saele'a fa'inia.



Ma God ka fata la'u 'uri, "Ru matamata marako to'o to'o
ki ta'ifau, muke bulao ana ano ne'e. Ma na ano ka to'o
nama ana ru matamata marako to'o
to'o ki ta'ifau fa'inia maga ru
kira ki. Ma na maga ru ne'eri
ki ke alu la'u na ru ne'e
kira leka fa'asia."



Ma ru ne'eri ki ka fuli nama di'ia ne'e nia saea.
'Iu na asoa ne'eri ka sui na'a, na uula asoa
ana magalia ne'eri'a.




Nia ka saunga'inia mada'afi ka sina
ngasingasi'a fasi 'iri ka sina ana asoa ki.
Ma nia ka saunga'inia na madamo
ne'e nia noa'a kasi sina
ngasingasi'a di'ia na mada'afi,
fasi 'iri ke sina ana rodo. Ma nia ka
saunga'inia la'u go'o na
bulubulu ki. 'Iu ma asoa
ne'eri ka sui, ma
na faina asoa ana
magalia ne'eri'a.




Ma God ka fata la'u 'uri,
“Na i'a matamata to'oto'o ki,
muke tua saena asi ma muka
fa'afungua. Ma na fa'i no'o
matamata to'oto'o, muke
tua muka lofo kwailiu
saena na mamanga.”
'Iu ma asoa ne'eri ka sui,
nia'a na limana asoa ana
magalia.




Ma God ka fata la'u 'uri, “Na ru mauri ki, kamu ke tua saena ano ne'e. Nia ke to'o nama ana ru 'ae'aela ki 'i fanoa, ma na ru 'ae'aela doe ki ma na ru 'ae'aela ti'iti'i ki saena masu'ua.” Ma na ru ne'eri ki ka ta'e ma'i ka di'ia nama ne'e nia saea.



Ma God ka fata la'u 'uri, “Nia le'a fuana kuke saunga'inia ngwae ki fasi 'iri kira ka di'ia logo kulu'a, ma kira usulia kulu'a ta'ifau na'a. Kira ke ba'a gwaunga'i fafia na i'a ki, fa'inia fa'i no'o ki, ma na ru 'ae'aela 'i fanoa ki, ma ma na ru 'ae'aela doe ki ma na ru 'ae'aela ti'iti'i ki saena masu'ua.” Ma God ka lisia na rao'a nia ki ta'ifau ma nia ka saele'a liu fa'inia. Na onona asoa ana magalia na'a ne'eri'a.




'Iu na God lawe ngalia ngwae ne'eri ma ka alua nia ka tua ana kula le'a ne'eri fasi 'iri nia ka o'o 'i saena ma ka lia sulia na ru ne'e teo 'i ne'eri ki.



Ma na God lawe ka fata totonga'i 'uri fuana, "Oke 'ania fua'i ru ki ana 'ai ki saena na kula ne'e. Bore ma ta'i 'ai go'o ne'e nia abu noa'a 'oe kosi 'ania fua'i ru ki ana. Na 'ai ne'e ke kwatea ma ngwae ki ka saiana tae ne'e ta'a ma tae ne'e le'a. Di'ia 'oko 'ania na fua'i ru ki ana 'ai ne'e, 'oke ba'a mae nama ana asoa ne'eri."



Na ngwae ka fa'asata na ru
'ae'aela ki 'i fanoa, ma na ru
'ae'aela ki saena masu'ua, ma
na fa'i no'o ki logo. Bore ma
noa'a nia 'iri dao to'ona ta ru
ne'e ka kwaima ma ka kwai'afi
ana ngwae.



Go'lo, na God lawe ka kwatea ngwae ne'eri ka maliu liu.
Sui nia ka lafua ta'i suli karokaro ana ma ka fono logo
'usia kula ne'e nia lafua ma'i fa'asia ana.
Ma nia ka ngalia suli karokaro ne'eri,
ma ka saunga'inia ta'i kini,
ma nia ka ngalia ma'i
fuana na ngwae ne'eri.



Du'ungana ru ne'eri, ngwae ke fa'asia
na ma'a nia fa'inia te'a nia, ma ka tua
ratai fa'inia na 'afe nia, ma kera ke
alua na'a ta'i manata'anga di'ia ta'i
ngwae go'o.



God fa'ata'inia na alafe'anga doe nia
fuana na ngwae ki ta'ifau saena magalia
ne'e 'uri, nia ka kwatea ma'i ta'i Ngela
muta'i nia, fasi 'iri sa tai ne'e
kira fa'amamana ana nia'a,
noa'a kira kasi funu, bore
ma kira ke ba'a
mauri firi.



Romans 3:23

Ngwae ki ta'ifau go'o kira abula ta'a, ma noa'a ta ngwae 'iri tua 'ani falafala ne'e ke fa'adufa God.

Romans 6:23

Sulia na abula ta'anga'a nia kwatea mae'a, bore ma na kwate'a ne'e God kwate sakongali ana nia na'a ne'e mauri'a firi sulia sa Jesus Christ na Aofia kia.

Hebrews 9:27

Aia, ma na ngwae saena magalia ne'e ki, kira mae ana ta'i fa'i kaida'i go'o, sui mala God ke ba'a matalanga'inida.



Ephesians 2:8,9

God fa'amauri kia 'ani na alafe'anga nia sulia na fa'amamana'anga kia. Nia noa'a kasi fa'amauri kia go'o osi'ana rao'a kia ki talaka. Bore ma God kwate 'o'o go'o ana na mauri'a faolu fuaka. Nia ne'e, 'afita'i ta ngwae ka fata naunau sulia na mauri'a faolu nia, sulia God noa'a kasi kwatea sulia ta rao'a ne'e kulu sasi'i ki.

Romans 10:9,10

Di'ia kamu saea sa Jesus 'ani na Aofia, ma muke fa'amamana ne'e God ta'ea fa'asia na mae'a, God ke ba'a fa'amauri kamu. Na ngwae ne'e nia fa'amamana ana sa Jesus saena maurilana nia 'olo'olo 'i maana God. Ma na ngwae ne'e nia fata tafa 'ania sa Jesus nia Aofia, God ke ba'a fa'amauria



John 3:16,17

God fa'ata'inia na alafe'anga doe nia fuana na ngwae ki talifau saena magalia ne'e 'uri, nia ka kwatea ma'i ta'i Ngela mutali nia, fasi 'iri sa tai ne'e kira fa'amamana ana nia'a, noa'a kira kasi funu, bore ma kira ke ba'a mauri firi. God noa'a kasi kwatea ma'i na Ngela nia saena magalia fuana na matalanga'ilana na ngwae ki, bore ma nia ka kwatea lala ma'i fuana fa'amaurilada.

1 John 5:11-13

Ma ala'anga ne'e God ka fa'amamana sulia na Ngela nia ne'e 'uri: God kwatea na'a na mauri'a firi fuaka, ma na mauri'a ne'e ka 'ita ma'i fa'asia na Ngela nia.

Ma sa tai bore 'ana ne'e tua fiku fa'inia na Ngela God, nia to'o ana na mauri'a firi. Ma sa tai ne'e noa'a kasi tua fiku fa'inia na Ngela God, nia noa'a kasi to'o logo ana na mauri'a firi. Nau ku keresia na ru ne'e fuamu'a ngwae ne'e fa'amamana ana na Ngela God, fasi 'iri muke saiana ne'e kaumulu to'o na'a ana na mauri'a firi.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies, Tammy S.

Kwara'ae Bible (kwf) © 2003, Wycliffe Bible Translators, Inc.
All rights reserved.

<https://www.bible.com/en-GB/bible/1904/GEN.1.KWF>

©2026 Bible for Children, Inc.

www.M1914.org

www.bibleforchildren.org

